



Ky program bashkëfinancohet nga Bashkimi Evropian



## **Bashkimi Evropian Instrumenti për ndihmën Para -Anëtarësimin Për Zhvillimin Rural – IPARD II**

### **NJOFTIM THIRRJA E DYTË PËR APLIKIME Nr. 02/2019 nga Programi IPARD II**

Agjencia për Zhvillim Bujqësor dhe Rural dhe Autoriteti Menaxhues në Ministrinë e Bujqësisë dhe Zhvillimit Rural shpall Thirrjen e Dytë për Dorëzimin e Aplikimeve, në kuadër të Programit IPARD II, nga Instrumenti i Ndihmës së Para-Anëtarësimin (IPA) për Zhvillimin Rural (IPARD) me qëllim zhvillimin e Sektorit Agro-Ushqimor.

**Thirrja e dytë për aplikime do të qëndrojë e hapur nga data 30 Tetor 2019 deri në datën 16 Dhjetor 2019, pranimit të aplikimeve do të jetë brenda orarit zyrtar 08:00 – 16:30.**

Thirrja është e hapur për të gjithë personat (persona fizikë dhe juridikë), puna dhe veprimtaria e të cilëve zhvillohet brenda territorit të Republikës së Shqipërisë, në fushat e prodhimit bujqësor, ose të agro-përpunimit dhe rural me fokus në masat e mëposhtme:

**Masa 1:** "Investime në asete fizike të fermave bujqësore" me fokus të veçantë në sektorët e mëposhtëm:

- Qumësht
- Mish
- Fruta
- Perime
- Vresht

**Masa 3:** "Investime në përpunimin dhe tregtimin e produkteve bujqësore" me fokus të veçantë në sektorët e mëposhtëm:

- Qumështi dhe përpunimi i qumështit
- Përpunimi i mishit
- Përpunimi i frutave dhe perimeve
- Vera

**Masa 7:** “Diversifikimi i fermave dhe zhvillimi i biznesit” me fokus të veçantë në sektorët e mëposhtëm:

- Sigurimi dhe Prodhimi i bimëve medicinale dhe aromatike, kërpudhave, mjaltit, bimëve dekorative, kërmijve,
- Përpunimi dhe tregtimi në nivel ferme i produkteve bujqësore (qumështi, mishi, fruta - perime dhe vera),
- Përpunimi dhe tregtimi i bimëve medicinale dhe aromatike të egra apo të kultivuara, kërpudhave, vaji i ullirit, mjalti, peshku dhe produktet e peshkut, prodhimi dhe tregtimi i vajrave esenciale,
- Akuakultura (në ujëra të ëmbla dhe të kripur),
- Turizmi rural dhe i Natyrës,
- Shërbime për popullsinë dhe bizneset rurale,
- Punimet e artizanatit dhe industria e manufaktures,
- Prodhimi i energjisë së rinovueshme.

*Buxheti i përgjithshëm në dispozicion të kësaj thirrje është 57.68 milion EURO nga të cilat 75% ose 43.26 Milion EURO kontribut i BE dhe 25% ose 14.42 Milion EURO kontribut i buxhetit të shtetit.*

**Masa 1:** me buxhet total 24.05 milion EURO, me një minimum prej 10,000 EURO dhe maksimum 500,000 EURO. Përqindja e mbështetjes është 60% të totalit të shpenzimeve të pranueshme të investimit, 65% nëse investimi bëhet nga një fermer i ri (nën 40 vjeç), 70% për investimet në zonat malore.

**Masa 3:** me buxhet total 22.75 milion EURO, me një minimum 25,000 EURO dhe maksimum 2,000,000 EURO. Përqindja e mbështetjes me fonde publike është 50% e totalit të shpenzimeve të pranueshme të investimit.

**Masa 7:** me buxhet total 10.87 milion EURO, me një minimum 10,000 EURO, maksimumi 400,000 EURO. Përqindja e mbështetjes me fonde publike është 65% e totalit të shpenzimeve të pranueshme të investimit.

Të gjitha palët e interesuara janë të lutura të marrin informacionin e duhur lidhur me llojet e investimeve të pranueshme, aplikantët e pranueshëm, kriteret e përzgjedhjes dhe rregullat e dorëzimit të aplikimeve në Udhëzuesin për Aplikantët, i cili mund të kërkohet si kopje e printuar në zyrat e Autoritetit Menaxhues pranë Ministrisë së Bujqësisë dhe Zhvillimit Rural dhe Agjencisë për Zhvillim Bujqësor dhe Rural (AZHBR), gjatë orëve të punës 08:00-16:30.

Gjithashtu, “Udhëzuesi për Aplikantët” dhe formatet zyrtare të dokumentave që duhet të përdoren (formulari i aplikimit, plani i biznesit) mund të shkarkohen në versionin zyrtar nga faqja e internetit: [www.azhbr.gov.al](http://www.azhbr.gov.al), [www.ipard.gov.al](http://www.ipard.gov.al) dhe <http://www.bujqesia.gov.al>

**Dorëzimi i aplikimeve fillon nga data 30 Tetor 2019 deri në datën 16 Dhjetor 2019. Afati i fundit i pranimit të aplikimeve do të jetë data 16 Dhjetor 2019, brenda orarit zyrtar 08:00 – 16:30.**

Të gjitha aplikimet duhet të dorëzohen **vetëm në zyrat qendrore të AZHBR-së** në zarfe të mbyllura me titullin *Thirrje për Dorëzimin e Aplikimeve*, së bashku me titullin e masës, emrin e plotë dhe adresën e aplikantit dhe me shënimin **“Të mos hapet përpara dorëzimit”**. Aplikimet duhet të dorëzohen si më poshtë:

- Njëpërmjet dërgesës postare rekomande, ose
- Dorazi (duke përfshirë shërbimet koriere) direkt në Autoritetin Kontraktues në këmbim të një mandati dorëzimi me firmë dhe datë nga:

<Agjencia e Zhvillimit Bujqësor dhe Rural  
Rruga "Muhamet Gjollësia", Nr.56  
Tiranë, Shqipëri>

**Aplikimet e dërguara njëpërmjet çdo mënyre tjetër (p.sh. me faks apo e-mail) apo të dërguara në adresa të tjera do të refuzohen.**

**Çdo aplikim i mbërritur në AZHBR pas datës 16 Dhjetor 2019 do të refuzohet.**

Autoriteti Kontraktues do të ketë pronësinë e të gjitha aplikimeve që do të dorëzohen. Si pasojë, aplikantët nuk do të kenë të drejtë t'i marrin mbrapsht aplikimet e tyre.

**Shënim për aplikantët potencialë:**

Aplikimet e dërguara në mënyra ose në adresa të tjera nuk do të pranohen.

Aplikimet e dorëzuara apo të marra pas skadimit të afatit përfundimtar do të skualifikohen automatikisht.

Aplikimet e dorëzuara pa formatin e kërkuar të Formularit të Aplikimit do të skualifikohen automatikisht.

Aplikimet e dorëzuara pa formatin e kërkuar të Planit të Biznesit do të skualifikohen automatikisht.